

澤州府志

人物

第九冊

澤州府志卷之三十七

孝義

澤州府鳳臺縣

無州邑名者入本郡中

北魏蔡祐事親孝屋側產芝草人以爲孝感所致官都督所有祿俸盡給族之貧乏者及卒家無餘貲人皆義之

宋太行忠義耿京王世隆當宋隆興元年李顯忠兼淮西招撫使時金人新立山東河北諸豪傑蠶起歸宋其耶律諸種兵數十萬據數郡之地耿京王世隆等皆欲挈地還於朝金懼亟請和顯忠陰結金統軍蕭琦爲內應以取河東

李顯忠傳

元和中居中性敏博學篤於交游潛德弗耀以高年耆碩旌表其門

澤州府志

卷之三十七

孝義

一

喬燹字仲常晉寧人性高介有守名稱籍甚至正十八年賊襲晉寧城陷城中死者十二三燹整衣冠聚妻子家有天井燹坐井上令妻子婢輩循次投井中而已隨之燹既死賊首王士誠使人郎燹家邀之至則已死矣賊平贈臨汾縣尹謚純潔

王佐字元輔晉寧人從父居上都教授里巷不與時俯仰會賊至倉卒不能避爲所獲欲降之佐傲岸自如詎賊不輟

因見害

元大德九年以地震改爲晉寧路晉城高平陽城沁水陵川端氏六縣隸司侯司史載晉寧備入之

明王仲達洪武二年舉孝廉令中江秩滿乞歸終養永樂間徵取堅志乞養如初贈勅獎諭給鈔錠以歸

景寧族指千餘五世同居洪武初旌門

楊砥字大用進士官太僕卿父歿廬墓三年母喪賜鈔千錠

扶輦徒跣行歸葬卒以足疾致病歿
明萬曆丙戌丁亥間大禋好義捐助設粥注藥者顧州誌載
有知州鄭際明高平知縣許安遇陽城知縣王雅量各捐
俸煮賑藩封捐祿有充倓等十六人搢紳捐米者周盤等
十五人生監助賑者有董三策等十三人脩藥督施助米
助銀民有馬世侯張垂芳等十七人
庠生任敦化捐地四十畝供天井關聖廟春秋享祀
庠生郭鎮邦捐施義塚一所
顧志曰澤俗家無饒積而人性好義竭力輸助由宗紳而
而士民蒸蒸慕義如飴可謂難矣
張祿張祐張智兄弟孝友母任氏歿其廬於墓次楊貞肅繼
宗有詩美之見碑刻

澤州府志

卷之三十七

孝義

二

朱仕樓鎮國將軍幼失怙母遭疾籲天請代既葬坐卧一小
軒終制不御酒肉不入內正德間旌門

朱成錢輔國將軍事父母問寢侍膳極誠親歿先後廬墓六
年嘉靖間旌門

朱成銀輔國將軍仁厚以孝謹著力學攻苦獨究性天之旨
著太文錄二冊進上賜敕獎之

朱聰涑奉國將軍性好儒學與弟聰澱聰澗居同學同友恭
同嘉靖旌其堂曰孝義

石文奎自高祖玉歷五世同居一門敦睦食指幾千數無異
意嘉靖間表閭

孟瀚自祖至姪霓四世同居無私財無諍語人稱義門

朱俊楔鎮國中尉母趙病危一禱而愈母壽九十孝養殊篤

推擇宗正有清節妻段氏早逝不更娶卹庶兄俊蔭遺孤
嫠甚至捐田贍宗學出粟千石賑郡饑萬曆間下詔褒之
歿賜祭葬

朱充倓棧長子博古善書有內行設義田以給貧宗其仲曰
充倓少慧力學善事父母兄弟五人同居不私一物父有
異母兄弟三人孤而奮力佐卹之其季曰充營繼父爲宗
正萬曆中捐米八百石救荒得旨嘉獎

朱允燧輔國中尉宗約俊揆子孝友雅飭以厚產讓弟賑粟
濟貧焚千金之券三十載中座餽至千餘具教子維翰入
庠宗室中在澤者多嚮學好義稱賢王孫云

朱廷塚字憲明奉國中尉隰川王裔明制願仕者以本階易
之遂膺貢知臨寶縣闖逆臨城多殺傷益衆攻圍城陷廷

澤州府志

卷之二十七

孝義

三

塚死之一門俱殉時崇禎十五年

朱運昌字敦素宗裔爲貢士判鞏昌崇禎十六年城破迫降
不屈賊支解之

裴爵椿子舉人授豐縣令聞父訃星夜奔喪表墓立祠晨夕
哭奠起補臨漳迎養母母歿哭奠如父禮再任吳橋乞歸
置祭田建社學脩家規里人歸厚焉

侯勲大司馬璉五世孫錦衣僉事夔子父疾温衾嘗藥朝夕
同卧起及歿哀絕者數四廬墓哭奠羣鳥亦悲鳴樹上讓
爵與弟不襲時稱孝友事聞旌門曰思親讓爵

馬宗盛幼孤事母至孝母匱勺水不入口哀毀幾絕旣葬廬
墓斬衰泣奠三年不櫛沐髮結成羶盡脫人哀之時有白

猿慈烏之異事聞旌表

勲宗盛孝子傳
皆作沁水人

宋甫舉人官忠州牧父歿廬墓旌表

趙友益郡廩生父九思抱疾日侍湯藥衣不解帶者月餘病篤禱以身代卜琰得鼎折足語曰吾父三昆弟凶讖也再禱得問壽九十九語比得疾悟云予兄弟亦三人應在我乎誓不藥遺命妻孥兄弟可善事父母吾亾矣遂於九月九日歿父疾尋果愈

省志沁水人

袁維新郡廩生父病痰危甚日夜籲天及父歿事母終身色養不違白頭昆弟無閒言旌曰首篤天倫

張希魯少服賈外出母病疽忽心動歸而親侍醫藥得愈長兄亾姪燮復早歿婦靳方有娠魯旦夕籲天果生男名曰培德百方撫愛靳感之守節益堅又盡舉季兄遺財嫁其孤女仲兄乏生計析箸雖久屢贈千金親隣待以舉火者

澤州府志

卷之三十七

孝義

四

無算更輸粟千石賑荒萬曆初詔建坊有兄希曾亦同心

蠲賑時竝旌焉

省志沁水人

秦一清庠生事大父盡孝時有家難準情調劑遭母喪哀毀逾禮朔望率弟拜墓終其身奉父色養事繼母得歡心甘貧力學律已甚嚴絕無情容竭力爲季弟謀婚娶不以異母有差等

李用澤州人舉於鄉弘治中以孝被旌

裴椿歲貢生幼孤事母孝母歿廬墓母素嗜茄遂種于墓側茄生連理更有烏巢鶴翔之異弘治間旌表

鍾鑑進士父卒廬墓三年

明李廷玉大陽里人父母有疾藥弗愈口夜稽顙北辰復剖股和羹以進病霍然起親歿治喪不用浮屠曾與鄉飲介

賓年七十以疾終

李用大陽里人年十五補博士弟子員成化丙午舉于鄉越三載丁母憂哀毀踰禮廬墓三年弘治壬戌知陝西醴泉縣事尋陞慶陽府通判致仕卒年七十有三

國朝楊世英字孟紹名諸生也曾盡推先世產業於其仲秀博母氏歡退而食貧甘之郡守周愛重其高義贈百金却不受不敢以豬肝累安邑才氣磊落爲學使表繼咸所器癸酉同學王采趙嗣美計偕北上送以詩曰謬得與君三屈指公然先我兩伸眉兀傲自若殊不屑屑然或諷以順時榮譽曰大丈夫寧爲金玦毋爲瓦合其標致如此

衛正心字翼中任俠好義慷慨重然諾所與游多賢豪長者國初授陝西中軍守備未幾歸築室太行山之大箕村引

澤州府志

卷之二十七

孝義

五

泉鑿石有終焉之志設義塾建文華書院厲一鄉之成材入腴田以贍給之置永安堡造迎旭橋平治道塗勸立祠宇安井里而卹行旅凡力所得爲者無弗毅然身任更歲設廩鏹以衣食里中之貧困者於其歿里民立祠祀焉孫樞次楷承舊德加謹淳其砥行立節老而彌摯今曾元林立矣

宋英字木若舉人任榆次教諭脩學校士有聲壇坫鄉居時叛兵任國竒來攻本鎮清寧堡英率弟華協力捍禦殲渠魁一圍遂解而去得全活者男女二千餘人里人感之張恕禎京子舉人任曲沃教諭有才名父歿長號嘔血築室墓次日震亭廬每上食如生時哀感道路自作記并十慕詠見志學使臨郡諸生上其事得嘉獎當日試題有徐庶

何如人論蓋爲恕禎也

宋盛宋興德兩人從兄弟也辛未蝗蝻災各蠲千金市粟散賑民得不流亾以死尋復完治湯王泰山兩廟工爲禱雨以救旱乾鄉人咸義之

張廷布衣尙義其讓弟產訓子姪及焚券給樁諸行誼積久人尙能道之同時又有王濟中者以冒賊刃捍病母爲鄉里所稱

王璇初爲諸生時脩太行山道九十里歲蝗蝻募人掩捕所得多寡給以錢是歲不爲災其他設義學焚積券排難解紛邑人尤念其德

蘇榮生處士以友著治產與弟天澤共日用婚嫁纖微無私五十年如一日族伯母寡而無子生養死葬咸於二子是

澤州府志

卷之二十七

孝義

六

賴榮生精醫所活甚衆有所著病鏡一書子廩生挺起與其胞姪庠生貞起一遵家訓亦不分財異居

衛楷字魯林大箕里人性孝友慈祥康熙辛丑山陝旱荒流民徧野楷慨然動念蠲金三千兩仰佐賑卹由州解送平陽郡散給又雍正癸卯澤地歉收民多乏食楷於河南糴運米石發本地準其概量減其價值自四月至七月往返流轉接濟廣周市井無騰貴之憂官倉無仰屋之歎餓者起而散者留賴以全活無算較前蠲金尤法良意美也他如親黨交游指困麥舟之助脫驂分宅之仁義期有濟道在必周其鄉人曰德行若此人品可知居鄉如此立朝可知楷己卯科副榜候補主事

陳廷繼性至孝念諸兄弟俱服官中外力請家居日侍父光

祿膝下先意承志務得歡心及父歿任國子監學錄以培
育人材爲已任一生謙謹公正鄉閭愛重康熙甲戌冬十
二月請于朝崇祀鄉賢

劉孝勗字子桓淳化坊里人居河東村性孝友父卒於山東
歷城之雒口鎮千里奔喪一人獨任不以諉諸弟兄居喪
盡禮哀毀骨立同懷五人析箸時以已得分產悉以讓兄
之遺孤常有人投以贖金者則棄諸河曰我寧受人欺不
可令此金復貽他人欺也時以利濟爲心宗黨咸蒙其德
舉步必詳視恐傷蟲蟻非燕享不殺牲敦敦仁者子世振
承孝友遺緒族不能自存者悉賙卹之立宗祠置祭產敦
本務行山右州郡旱歉捐穀助賑居傍餘屋設義學延師
淑里中兒孫滋善登雍正壬子賢書

澤州府志

卷之二十七

孝義

七

王弘烈乃舉人用賓孫父歿依母且二十年母忽思改適泣
諫語甚痛知勢不可挽觸首伏地慟竟投繯園樹死

孔興晉文明子父歿廬墓三年又有同邑張所蒞字冀山亦
以廬墓稱孝

張能敏孝友謙和無少過失雍正五年舉鄉飲正賓今年已
踰髦端謹誠恪一如平時

焦逢原歲貢生屢舉鄉飲爲人厚重謙和親老家貧恒資館
穀以娛親意事伯兄甚友愛兄歿視兄子如己子殫心鞠
育期于有成晚歲曾元林立五世一堂年九十以壽終
常乃綱康熙甲午舉人雍正丁未知湖南永興縣事閱四月
以病歸終身常持忍字爲鄉人所敬愛四世同居恬靜寡
欲卒葬南莊村

謂之曰濟事以權苟出于正何害卽自稱河北安撫以王任爲副傳檄勤王遂有衆數萬分十三屯部署嚴整進攻夫名一鼓而下撫定其民諭以紹興年號遣人入奏未幾自壽春來歸詔授忠義都統制

州志載入高平按史宋紹興三十一年有博州高平

人王友直與鄒鑿爲金鄉高平人同今已列鄉賢存而不節以志欽尙

金李森異次子年十八澤州發解第一授萊州文學天會間大饑斗米千錢流莩載路森出粟千斛賑之活者甚衆或曰易此可得數千緡森笑曰活人數千不愈乎得數千緡乎途遇行旅二人病仆垂死掖至家醫治全愈其人感泣而去蓋襄陽人也每森生辰必各持方物至而祝之張完父早亾事母以孝聞母久病妻養母少怠卽出之會歲稔出粟賑饑多所全活有假貸者百餘人度不能償盡焚

澤州府志

卷之二十七

孝義

九

其券

明王敬飭躬砥行洪武初舉秀才母喪旣閉穴旁皇數日不忍去父強之始歸及父歿廬墓哭奠者三年事繼母如母永樂間以孝行卓異旌門子璲由舉人官太僕寺丞父母繼逝廬墓六年事聞旌表

王起孝正統中以孝被旌

李振民有孝行父歿哀毀幾絕旣葬廬墓晨昏哭奠麻衣蔬食三年如一日會早霜殺禾惟周廬四十餘畝不爲災且有雙穗成化間旌表

李克紀嘉靖間監生赴銓選道出潞安適賊據青羊山克紀應募往招撫伏羲說之勢漸平而克紀卒後改青羊爲平順縣叙功追贈易州判官

楊汝節目不知書親歿廬墓三年絕跡內室有司旌表邑人
馮養志稱爲獨行末俗所難

徐行善事繼母克全子職淡泊自甘袁繼咸時爲學使者重
其行飭縣表閭

姬國瑞諸生撫弟國瑞有恩及國瑞歿國瑞撫其六齡遺孤
顯庭如己子會途次水暴發瑞挈孤姪跨馬疾馳而聽二
子徒涉曰義不以吾子先兄子竟兩全焉顯庭舉鄉薦不
仕隱於醫

李濬慶向春子周急好施歲侵邑中賴以存活者萬計濟變
輸公每多義舉讀書以聖賢爲期孝友端肅里有不逞者
不畏公庭而畏其清議云

李時漸事親以孝聞秉性清嚴爲鄉黨所推重其教子尤有

澤州府志

卷之二十七

孝義

十

家法

張養心父母歿廬墓六年哀而盡禮官師旌之勒石以志

田應運孝繼母撫孤姪每出粟賑給鄉隣其子大良庠生力
學慕義獨脩學宮泮池

裴養志農夫也有上黨人負罪匿里之僧舍事發連及其兄
養正論死養志力任代兄已而兩釋之

趙倫太僕卿軼父起解官糧數千緡夜遭賊劫倫挺身拒敵
被殺官銀得保有司追給義官旌獎

王珂服賈遠出一日抵大江夜鄰舟被劫珂奮身往救盜驚
散商船分金以謝珂堅不受一時高其義

張澤性謙順寬和有里有惡少肆辱閉門不與校負貸者悉置
之生平絕跡公門

楊可楹撫孤姪俾成立助貧不能婚葬者債不能償卽焚其券其樂善好施久而益篤

焦一春事親能孝與物無競好義樂施鄉黨稱焦善人有司累旌其門

崔堂忠厚淳龐侵侮不校重脩米山鎮文廟出貲數百金畢應科解紛排難以義重鄉里捐貲以賑流離典田以助婚葬事庶母五十年無間言

邑志又載李濬業楊文盛邢堯民王命予皆好義樂施有石大良獨脩泮池石有璞張崇恩以齒德著楊朝光以孝著田馭華緱元珍以文行著

國朝畢一棟家貧事親克孝常走潞安負米供親不憚勞日治田山中食時必歸視飲食間不甘輒嘔蹙初父外出屬

澤州府志

卷之三十七

孝義

十一

以善事祖母陳一棟體父志孝養甚篤歲必兩省父所報祖母善飯父故老農然嗜人讀書一棟輒令子振姬旦晚雜誦曰能得爾祖父歡心吾雖勞不苦也事繼母如所生收葬弟之無後者女弟及族黨承父母意屢資給之振姬後以積學聞

李志巒高才生父客病而歸柴骨支床志巒遂研窮醫理親製藥餌冀起父疾及父歿哀毀幾喪生至煩母宋切責諭以滅性非孝甲申母歿廬墓三年畢振姬稱志巒爲文長於用意趙介亦避其鋒銳歿卽誌之

張聯璧諸生母楊性卞急事之意愜則安苟違色笑卽自責若無所容母歿極哀而盡禮他若贍病妹調外氏師事崔子明及崔故嘗援其家難友人郭鎬死其母與子無依聯

璧迎至家養給終其身著有愛吾廬稿

趙曦諸生獨葬祖母久淹之匱其仲叔士俊死潁州間關二千里扶櫬歸葬又葬其季叔士杰且好樂育人材遠近多師之

宋才鄉民少孤孝事母家貧偕母依姊之夫張就食恒灌園爲生後張妻子皆亾子然老病迎歸盡養死葬以禮人有以責逋相詬輒出已貲解之比死鄉人鐫石表其阡蘇天福義民也性慷慨嘗捐脩太行東路百里會教諭劉佐世倡脩文廟天福任葺尊經閣並兩廡庖湏廊廡凡五十餘楹計資五百鍰出已財刻日告竣

李東邑庠生父昌文嘗憤貧困携薄貲游廣南二十年不歸東少長每牽母衣問廣南所在欲往尋母子時相對涕泣

澤州府志

卷之三十七

孝義

十一

憐其幼難遠行且絕無音耗不許會母病久之愈乃爲弟婚娶俾奉母自贖父雅嗜物決意辭母行家貧徒步走太行山遇盜以挺擊之幾斃至漢口急附舟沉於水遇救得免抵佛山鎮諮訪無跡寓久資乏涕泣乞食一日夢見其父遇汾客始知父寓瓊州嘗娶妾生女今歿已十三年妾亦適人矣東擗踊呼天遂航海至瓊訪父妾所在間父墓出所贖物哭奠爲女弟擇配乃開父塚殮骸囊篋中號泣拄杖負之行渡瓊海過雷江涉梅麓湖經觀音崖暨韓瀧湘潭諸險凡往返萬八千里重趼迸裂血流被土崎嶇萬苦乃克歸父骸於祖墓製服設奠觀者萬人事聞雍正二年奉

詔旌其門

許貴其祖朝家於萬曆間投牒縣令願獨力創脩南陳通濟橋以便行旅至雍正八年橋圯貴復牒縣重脩其堅固比昔有加祖孫好義世濟其美

郜綸音少時奉祖訓有忍讓饒三字終身佩服不忘父存日人有貸其銀粟者券約甚夥後遵母命召貸者各還其券一時義聲徧閭里

朱先正性寬和事親克盡孝謹尤好施與鄉閭貧乏者厚自賑卹嘗立義學延師長以訓諸蒙士脩築長途俾行者無崎嶇之苦

王文字馬村人貿易保定之完縣與葛東岡友善東岡有子弗立懼其毀敗陰以白金八百兩托文宇初不令子知無何東岡死文字教督其子俾其成立將東岡所遺金還之

澤州府志

卷之二十七

孝義

十二

完縣令孔君爲立碑表其事

陽城縣

明吳茂字德容母歿溢米不入口三日毀甚旣虞後始食齏鹽廬墓食粥地無水掘地得泉瓜生並蒂楊貞肅繼宗詩曰地湧一泉呈孝至瓜生並蒂表心淳又有傳紀其事

田祺夙以孝稱父歿欲廬墓繼母不可迨繼母卒乃結廬塚旁朝夕哭奠以遂初志有穀生二穗之異正德間以孝子例冠帶

成靖寧初喪母幾不勝喪父卒哀毀益甚旣葬結草廬墓側僅容膝晨夕上食者三年時有白兔烏鳥來繞廬旁撫按旌其門學使章僑舉孝行貢禮部以非制罷後循貢授汝陽王府教授

陳仲孝字忠夫性至孝母喪廬墓三年斷絕鹽蔬感徵白兔
金雀嘉禾之異以吏任縣丞恪勤供職卒於官百姓如失
慈母知縣李棟上其事詔樹坊曰孝廉

陳思孟諸生仲孝子事寡母以孝聞母歿廬墓三年猶子炳
亦庠生失怙恃因叔廬墓亦移居祠堂朝夕哭奠甫禫以
毀卒縣令立石道旁題曰陳氏三世廬墓處

原井田家貧母歿廬墓不出竟以餓死鄉人哀之

衛瑄成化間青陽里民也遭母喪廬墓三年日夕哀瘁如初
喪滋味未嘗入口里人見而哀之謂其身無罪而似罹桎
梏者其慘怛可知矣楊貞肅繼宗有孝子廬墓詩紀其事
教諭劉一清爲立碑今祀忠孝祠

喬彬字監周十歲喪父盡禮乃如成人侍母田病十年不少

澤州府志

卷之二十七

孝義

十四

懈率弟朴力學先後爲諸生以奉母歡比弟亡對母忍泣
出而撫膺號慟拊弟孤子女逾已生人咸稱喬孝子臺使
旌其門

王鳳翔竭力孝養卽菽水必親進父母間出外信宿不寐候
于郊迎還始卽安生事死葬俱盡禮適飛蝗害稼過其田
不食人異之有司旌其門

延人秀邑諸生習岐黃家言高才負氣遇賊被執索金曰我
貧士安得金賊曰卽無金安得強項不跪曰我膝可屈必
不能屈于賊賊怒斷其臂而去

賈之鳳進士初任眞定推官父令定陶寢疾鳳聞父病棄官
晝夜馳七百里相見得永訣歷官酒泉按察使弟之龍亦
有孝友稱

李博諸生父歿甫視含歛寇忽至家人趨避博倚父柩不去其妻延氏自經博不知也須臾賊入博哀求百計乞全父殮賊不從竟被害臺使旌其門

徐滔自祖貴及及及璣父鉞以來謙謹尚義至滔義行尤篤

子梁孫輝七世同居事聞旌表

徐滔州志入陵川

賈志儒慷慨好施耻言人過兄弟五人先亾其三遺孤十數輩竭力資其婚嫁閭里訟端往往就質志儒每排解之鄉隣有王彥方之頌子孫亦多達人

王海字大量幼從父賈河南數能捍賊患義氣激發目無艱鉅生平未嘗學問而雅好士人其立義塾義塚濟急周困爲善若嗜慾然知縣爲表其高義于碑三原馬理爲之文衛吾良邑貢生性孝母疾浣滌厠膾皆親爲之不解衣者四

澤州府志

卷之二十七

孝義

十五

閱歲

楊重光邑增生嘗拾婦人道遺金環日將必受詬責有傷生事急訪而還之遇凶年收養族戚數人於家鄉閭稱義焉于大復諸生少孤母歿廬墓三年知縣劉應奇題其碑曰孝子

田自脩事繼母盡孝與異母弟終身同爨撫孤姪如子有曲直待剖者正言不阿人咸憚其嚴正而服其公明臺使旌之

張垂芳有義行輸粟千石賑荒捐貲以石砌官道萬曆間旌表

白含章含秀兄弟也渡河避賊難適與賊遇出金求脫不得兄曰乞殺我弟尚無子弟曰一家衣食全賴我兄乞殺我

相與爭死賊義而兩釋之

曹光祚諸生避地河西賊執之義不受辱抗節而死奉勅表里

張騰雲倜儻有節槩崇禎五年流寇勢張甚騰雲結鄉之義勇團保堡寨及賊至固守會天雨泥淖不能搏戰衆遂潰被執不屈竟遇害

成惠人字不費諸生白所知太保外孫也工詩類李長吉著有赤虬艸以寇變避南山爲賊所執不屈死

郭文會以正統中輸粟二千石助賑奉勅旌門

栗文輝吳應奎王海陳大億輸粟賑荒或二千石千石數百石皆得旨建坊旌表

馬任遠庠生當闖逆之變侵掠肆毒逼授任遠僞官任遠不

澤州府志

卷之三十七

孝義

十六

從始以白刃臨之不屈繼以弓絃縛置濕地三日夜終不屈其妻謝氏恐賊逼辱潛抱幼女匿厠坑中糞穢沒胸頸伺賊縱火去急出解任遠縛筋骸已攣曲不可復伸矣謝氏養夫殘疾以終身

吳志在明末諸生值流寇肆虐冀南一道被其焚掠者甚衆時上官思得力能止亂者志在往應聘協同武弁統領兵民數千出討賊賊因遁去潞澤居民按堵如故

國朝王重新字煥字沉厚寡言饒智略賈不數歲以貲雄一方明崇禎壬申寇亂被執僕某請代戮賊義而釋之歸築郭峪城砦輸七千金以濟庚辰大賑救不吝傾橐甲申賊將劉忠困城重新募死士馳報王師大軍至圍解己丑姜瓖變復遣心腹詣軍前力陳全城不叛狀得胥免剿洗

其他助婚葬治道路義行難更僕數及卒白司寇孕謙聞而太息曰吾鄉布衣無人矣爲誌傳載其行
白鳳振菜傭也家無儋石儲事父玉帶色養備甘膳未嘗一日缺父終九十餘士大夫見而改容以禮官給旌之
曰如梅化源里民通邑悉欽其孝父疾祈以身代及歿後十載猶疏食不食菜果入冬不禦縣纊有綿定奇温之痛公舉篤行長官旌其閭

張瓊懷古里民孝友根心秉質淳厚服勞奉養甘輒無闕體親意同懷不析箸以終其身

陵川縣

金趙振姿性淳厚好施予父歿哀感路人析產推肥于其兄而自取其薄里中貧不能葬者悉力周賻又注藥救病者

澤州府志

卷之二十七

孝義

十七

賑粟救饑者賴以全活甚衆識者曰公陰德大矣後必昌至天眷中二子安時安榮皆廷試第一

元李義早喪母繼母龐鞠義如己出義孝龐如所生龐有疾醫不效義懇北辰祈以身代乃密割股肉和糜以進跪告曰兒別得神藥飲之卽愈已而果愈人問其故終不言久之人見其脇左有刀痕知爲割股救親詔旌表後以子廷實追贈嘉議大夫兵部尚書

明義門李氏李濡立家塾訓子弟敦親睦自曾祖約祖景隆父盛子珂孫鍾六世同居事聞旌表

義門徐氏自徐貴徐伋徐璣徐鉞徐河徐漢徐滔徐樑徐輝七世同居其廬墓輸粟累世不絕先後上聞旌表

徐璣趙翱正統天順間輸賑旌表

徐潮徐鉞徐鑛徐樑武鶴王興成化間輸賑旌表
甯溫甯演弘治間輸賑旌表

牛耕正德六年流賊陳卿率衆突入太行山至平城鎮執耕
問曰陵川與壺關孰遠近耕給曰壺關近且平陵川遠且
險比至壺關界問衆尙遠賊以誑已遂办耕于西和鎮兩
邑胥免難

婁凌雲諸生父疾衣不解帶父歿廬墓三年

婁西凌雲姪諸生母疾晝夜扶卧起溽暑沍寒無間及歿哀
毀踰禮廬墓三年

婁銓凌雲孫父疾日夕奉事久而不怠父病中思瓜冒雪走
求不憚百里外比歿負土成墳事母不以貧缺甘旨詔旌
表

澤州府志

卷之三十七

孝義

十八

徐河貢生及從弟徐漢俱廬墓稱孝

李培秀性至孝祖母年八十疾秀割股以進

徐騰雲貢生天性仁厚有儒行孝繼母友從弟學使文翔鳳
表爲德學兼優

曹民信庠生居喪骨見衣表事繼母讓兄產以孝友著又與
弟民悅出粟賑鄉里饑事聞偕旌

宋廷彥字聚奎貢生善事寡母以孝聞

徐居仁字壽軒諸生以孝旌

徐啟昌王佐才王國材武立綱俱以孝聞於臺令得表閭
李大芳李時芳割地贍寡妹俾得全節鄉黨稱之

董時增千總崇禎五年流賊逼境巡道王肇生來援幾不免
增以身捍之力殺數賊而死有靳朝先亦以千總禦山寇

陣亾

段章美諸生教授毓秀子崇禎五年流寇逼掠執章美大罵不屈遇害

王一欽廩生七歲母歿繼母張遇之寡恩父以不賢責張欽泣諫及父歿張病孝謹益摯異母弟一欽感之勸張以恩待而張竟化爲慈人稱爲小閔子

趙思義行誼著聞鄉評推重縣令舉爲公直每朔望詢以民間疾苦政治得失

明孝子有王佐才字無欲邑廩生以孝稱學使孫旌其門曰孝行兼優 王國才字春華邑貢生孝繼母弟長兄敦睦宗黨 武立綱字省寰邑廩生事祖父母以孝聞 和應光事母極孝

澤州府志

卷之三十七

孝義

十九

明尚義有都志洪婁繼祿蠲學舍地畝成化年有徐鑛蠲銀四百兩武鶴捐粟五百石及王興秦洪秦應雲秦孟魁李國卿各輸二百石賑饑秦恒吉徐允敬設粥廠王寬助軍精曹廷撥撫孤姪馮瑗讓弟產皆鄉人之好義者外此尙有助賑卹黨一鄉矜式之人悉詳縣志中

明末千總靳朝先山賊竊發先與之戰死之

國朝楊一藻字煥章廩生姜瓌之難與知縣李向禹同以捍禦被害後知縣黃國燦上其事高御史請得旌其門

牛魁斗諸生幼孤家貧無所得師恒依母紡車光授讀雖有室常侍母寢及試諸生高等母輒然且傷父不及見也母善病倚魁斗爲生先是流寇壓境魁斗負母避難寇劫其母魁斗哭請甚哀賊感動曰此牛孝子也遂舍之

都勲歲貢生孝友耿介爲士林矜式居喪盡禮有終身之慕
壬子遷廟學任泐齋廊尊經閣費五百金而不專其名尤
義舉云

曹延禧拔貢官上高丞同兄泐建明倫堂出貲五百金
邑志載文學有趙安止鄉舉通五經王好古通五經於詩書
尤得要旨列郝文忠經前不詳何代人又有徐棹兼通五
經明性理倡教京師大河以北皆師事之詔復其家在張
瓚後又儒行中金有姬守中工書云見龍岩寺碑韓德輔
聚書萬卷教子奉母王年至一百六歲明徐澍成化年貢
生經明行脩與張經元信齊名劉鎮威安貧好學和暖多
才力學牛麟趾教授多士纂錄經書粹言路中行勤學篤
行人多重之婁鏃好學終身不怠傅天錫博雅有文王廷

澤州府志

卷之二十七

孝義

二十

誨讀書懷古李爭榮孝友著稱有常惺惺功過錄等書李
杜言風流博瞻雄邁絕俗

陵川續志開列文學儒行孝義隱逸等名有實跡可書者
摘載於前注語大略相同無從立傳者附載於後其跋語
云叢爾陵以文學著者不無一二又云全人甚難姑節取
之君子不没人善登之以勸來許

劉竒聲屢舉鄉飲賓曾與纂脩縣志

馬掄竒鄉飲介賓居家孝友

王元郇諸生事親盡禮廬墓三年

徐慧龍善養親志親滌溺器

牛冲漢邑廩生親病不離左右湯藥必親嘗

和參化諸生兄弟讓產調卹鄉鄰

馮君鎬撫二姪成立以遺產讓之

劉堯裔孝親睦族值歲歉悉焚舊券

王黴年荒時同兄彭設粥濟貧

姚可頓恤貧焚券

楊顯秀慷慨好施常鑄行善書勸世

續志中文學有徐還泰甯景俞曹洵劉惺馮君就徐佐曹度
王心儒行有甯珽姚文炳和俊和姬化王璵和象元李昂
王如旦劉堯封閔仲璟劉謙武惇曹棠李旭孝子有徐曠
武雅義士有劉端王珙徐鍾靈武雍李孔懿隱逸有劉忱
和方趙慧遠和添壽 按諸賢惜無事實可考據册所載
多不詳謹錄名於籍以俟後之核論者 失落孝子武毅

沁水縣

澤州府志

卷之二十七

孝義

二十一

明許倫割股愈母疾鄉黨以孝稱

省志作許論

霍一楠邑諸生父客秦而病未至十里楠知之奔往迎歸左
右不離晷刻時適學使者歲試楠不忍暫釋竟至除名
竇如珂母疾泣禱請代及卒廬墓兄如璧知成武時以白金
三百與如珂受而埋之後兄故遺兩子珂俟其成立啟前
金付還學使者聞而表之

段讓孝友端方通經籍工詩旁及陰陽方術樹藝諸書與兄
弟同居共爨終其身激厲後輩向學子弟咸敬憚之鄉黨
有赴愬者折以片言俾無速於訟胥歸德焉

何麟藩椽也武宗微行由大同抵太原已夜門閉不得入大
怒還遣中官逮諸守臣衆懼麟曰皇上但逮不啟門者未
有主名此易爲耳若厚賄中官不令羅織願與俱往卽上

怒不測麟一身何足恤哉遂抵京上疏曰陛下巡幸晉陽
惟時司門者實臣麟一人他臣無與也臣不能啟門恭迎
鑾輿臣罪萬死但陛下輕宗廟社稷而遠事巡遊且易服
微行無清道警蹕之詔白龍魚服臣下何由辨昔光武夜
獵至上東門守臣鄧暉拒而弗納光武以爲守法而賞之
今小臣欲守鄧暉之節而陛下乃有不敬之誅臣恐後世
以爲臣之不幸不若鄧暉而陛下寬仁之量亦遠遜光武
也疏上怒稍釋延杖六十釋去不問麟還撫按以下皆郊
迎致敬

秦德兄恭因酒殺人德以兄居長無嗣而已有二子抵官誣
服代兄死後御史疑其冤欲直之德恐礙兄終不言遂棄
市遺妻潘氏年二十五守節事舅姑撫孤子終其身亦不

澤州府志

卷之三十七

孝義

二十二

媿婦德

韓巍隰川王儀賓賈寓太康之楊家集值師尙詔亂攻陷歸
德將趨太康道經其地民逃避不及者多爲所掠巍獨據
一樓拒賊矢石交下頗有殺傷相持三日賊縱火焚樓巍
墜樓賊生得之脅與同事大罵不屈賊怒斷其舌復剖腹
殺之賊退里人霍鎮收其屍面色如生方賊抵集時太康
無官署事蕭通判至始設守具賊來不能克而太康存中
間扼之者巍力也立廟血食歲時不廢

趙完璧崇禎五年紫金梁作亂完璧奉母王及妻李守樓賊
至以甘言誘完璧訶叱之賊怒焚其樓李懼辱先縊死夫
前餘人後先縊下母老不能動完璧遂同死烈焰中後王
廷璽以事聞道縣旌之

衛思洛天民次子諸生崇禎六年流寇陷城被執不屈談笑而死妻尙媳李携子女赴火殉學使旌門

郭衛鼎崇禎十三年奇荒盜賊蜂起本道檄衛鼎領鄉夫防禦端氏扼賊之吭自費家貲數百金供應無何鎮陷抗身不屈慘殺東城下

張鈐字字奇沁水竇莊人父五典累官宮保尙書宮保子六曰鈐御史死遼事諡忠烈曰鈐舉人曰鈐進士曰鈐舉人曰鈐貢士時方重科目自鈐以下皆矯厲自奮而鈐爲三子獨俯躬恂恂再舉於有司輒不利以子道湜官翰林編脩封如其官當宮保時鈐爲諸生有文名宮保曰吾家故貧吾爲吏產益落汝曹皆守文墨家人食指多又疊罹寇殫可以寄百口者無如鈐賢游太學歸遂理生事遵父志

澤州府志

卷之二十七

孝義

二十三

也宮保歿時忠烈已殉難鈐鎔年才幼穉鈐以養以教垂三十年皆有所樹立聞於時明末詔舉賢良方正科識者方屬意鈐策驢遯去武林歸益退損簪冠布袍過市門一人負重不勝呼助力急呼旁舍人助之晚年瓦器脫粟蕭然杖履間陳相國廷敬曰謹厚純樸退讓君子也席藉榮寵何難取富貴以就功名顧泊然自外獨行其志非有德者孰能之

侯完侯永趙獻何真正統五年大饑各捐米二千斛賑荒又成化年間陳鳳翟璟李綱各捐米四百斛賑荒萬曆間柳富春輸粟一千斛李泮輸米五百斛賑荒咸上聞旌表王應泰廩生道委把總李懷合守城禦寇懷合縱兵大掠應泰面斥之聞於道將立逐懷合不閱月兵與賊通沁城陷

執應忝罵不絕口迎刃死復舉屍投烈火其妻張并弟起
泰及妻崔抱子同殉於井道州旌其門 按明紀泄泄在
廷相繼釀亂親民者復股括以奉之遂至四海鼎沸善者
亦無如何日坐政事堂目擊奄邪之害民而猶靦顏爲其
假兒一時之錦衣玉食可安也億萬生靈之塗炭亦可念
也誰秉國鈞乃至此極浪浪一哭朽骨其獨顛乎否

張瑩邑諸生母死粥食三年不除腰經與二弟同居終身無
異產

王希聖舉人幼失怙家貧資館穀奉母與弟淑聖相師友訓
之有成後希聖雋淑聖力任內外事希聖歿無子嗣以子
墀喪葬竭力營辦稱王氏二難

張清母潘孀居一妹在襁褓清年甫十五游學陳留積資以
膳母妹母歿終喪遂僑陳留先是妹恃母愛每偕其壻虐
清夫婦後遇大侵妹攜家五口投清清厚遇之得全活壬
午冬闖賊陷陳留清竟不屈遇害

趙家珍邑廩生幼孤母竇教之成立珍色養兼盡以成母志
崇禎間旌孝行

趙永健邑廩生幼失恃父家璉繼娶商撫之極慈健事商如
所生以孝著及壯卒商與婦呂撫遺腹子商事姑竇備極
辛勤會竇歿家璉亦亾商雉經以殉呂救得甦姑婦相依
矢志靡他賢慈孝節並萃一門

張道澍邑歲貢父鎰老而鰥凡臥起飲食澍必躬親其事嘗
一日自外歸聞父上床失足傷額號慟口吮血痕自是左
右不離時一子痘危甚澍未暇一視也然卒無恙人謂純

孝所致

韓肫仁進士官青州守請終養旌表孝行加一級

王喜諸生父故廬墓朝夕拜泣每飯自炊炊熟必薦如是者三年縣旌之

王維城天啟中歲貢生以授徒終身安貞食貧不假外慕能含忍不屑與人競扁其齋曰聚樂著有永思錄以子廷瓚贈禮部郎中朝議大夫祀鄉賢

王廷璽崇禎年貢士性孝友好學從游者多知名曾秉鐸蒲州復補陝西雒南教諭所至輒有聲講席以子度封刑部員外郎祀鄉賢

張廷邑庠生瑩五世孫幼失母王孝事繼母柳遠館杭州聞繼母病孤行疾馳歸與婦楊晝夜侍側嘗藥祈以身代目

澤州府志

卷之三十七

孝義

二十五

不交睫者五十日夜縣兩旌之有文傳於碑

劉希曾子用韓孫光月曾孫奕昌元孫洪澤遵其志以耕以讀昆弟羣從五世同居

楊崇詔內行克敦子齊芳呈芳承父志不分析里人名其居曰孝友堂縣旌其門

王梓寇亂時携妻劉避地金峰中途遇賊欲執之梓負膂力手搏賊後衆賊至被執脅降梓怒格鬪死賊復以刃加劉劉抱梓屍大罵賊殺之

郭學泰安知縣士英子與弟學俱名諸生遭劇賊任國奇破寨學與妻常學與妻何兄弟妯娌同投井死

竇縉竇綬俱庠生父歿廬墓三年

國朝韓瑒諸生早失怙事世父肫仁如父奉母馬稱篤孝教

督兩弟張與璵俱成名母歿場哭向人曰與母相依今舍我何生爲疽發背七日死性剛有胆明季寇急張督師致之行間談兵事聞祖母病卽馳歸歲饑民走險縣議勦場單騎叩壘諭之賊解散善醫旁及青鳥術精書法

張珍寶世英

省志

何印

州志

俱別列傳

王廷拱生平敦睦宗黨無間言慕義循禮樂善好施鄉曲多敬愛之子紀入翰林歷諫垣任藩臬著直亮之節得之家訓爲多

何印順治六年姜瓖黨沈等盡破堡寨獨端氏堡屹峙賊環攻印中三箭血流盈襟猶飛石擊賊不少輟賊退印力竭而死人謂端氏不被賊禍者胥印力也

竇瑀字伊璇宋戚畹竇將軍裔順治丁酉舉人授平定州學

澤州府志

卷之三十七

孝義

二十六

正講學厲行士貧有不能自存者贍其衣食補榆次教諭捐資脩廟學遷汾州府教授士子送者直達汾署官平定時邑令有欺凌本管州守者瑀奮然曰司鐸有名義責奈何目擊屬員犯長官而任其恣橫耶欲代訴上游令懼爲守謝過官榆次時邑紳魏濟南卒於官其孤扶襯歸里爲豪族所侮孤訴於瑀言之邑侯坐以法初薄游亳州有劉少宇以竇姓出繼被誣禍且不測瑀力爲昭雪少宇以千金酬不顧也瑀旣宦游田宅悉以讓異母弟琇璿璐薄俸所入且周族人生平蓋慕范文正之爲人子世英邑諸生節婦趙氏出生二歲父歿母每言及輒流涕母胃病七日英哭泣廢食見者幾不識爲英也垂十二年未嘗一日離母歿慘痛哀感四鄰廬於墓側哭奠之餘卽勤誦讀感

疾值庶母廬喪親串憐其哀毀恐不起欲勸歸而又不忍竟終制焉其從兄遺孤女失明英自鬻一婢從之嫁而安其室雍正二年公舉孝廉方正以疾辭有條陳教職民壯鄉約社倉四則當事命頒發各有司官

竇斯在字在茲邑廩貢生由教習授陝西保安知縣其六世祖爵寓居杞縣時出粟五百石賑饑五世祖綬與兄縉廬墓終喪代多隱德保安陝之下邑苦瘠貧入境卽設計周卹民獲蘇省襍費禁刁訟尙義講學期年而治成靖邊定邊兩所荒旱奉檄署理招撫流亾未幾羽檄交馳斯在獨慷慨赴急統軍憐其老斯在力請坐臺次輓運糧儲不辭勞瘁已得疾卒擅幕裏尸士卒咸雪涕保安靖定三所民醵金送喪歸初受業師竇向平無子邁疾斯在棄館歸侍

澤州府志

卷之三十七

孝義

二十七

夜臥病榻旁不解衣者六十日及卒經營喪葬服心喪陳僉憲廷統雅重之延聘教其子觀顛成進士

竇載德字子恒邑增廣生性孝友親歿泣血三年未嘗見齒撫弟之遺孤自襁褓至成立疾亟禱以子代幼從王英學英死每春秋備物致奠中年棄舉子業究心儒先語錄月朔偕族叔世英集廟學講經辨王霸誠僞之分立童子學旬日令一鄉童子謁廟行禮背誦小學與日記故事間摘一二條詢之發其良知良能年饑約里人日出米若干以賑鄉鄰名爲減竈頭米宗黨戚屬多賴以生又做朱子社倉法勸人出粟積貯爲備荒經久之計年七十餘以微疾終噫竇氏多賢者若載德寒生耳決去凡近而皎然以聖學爲藩籬志及顏孟而心在唐虞輓近民生庶其有豸乎

竇琇邑諸生瑀異母弟也剛正孝友兄游宦琇竭力事親能使同氣無內顧之憂高堂無游子之感後兄病篤聞信晝夜行三日而至署兄積俸若干金密以付之及卒以篋室盧與趙俱少艾趙生子世英方二歲琇左右孤寡歸葬事畢延鄉達族老出前金爲區畫生計衆議以百金歸之乃悲不自勝曰設有利心早爲自肥計矣何待今日利孤寡所有乎人有感而泣下者訓藐孤以讀書力穡爲本有怠者泣而責曰若不自力吾何以見吾兄於地下耶旣没家無餘財姪世傑世英力營喪葬於其子世俊孫無荒待之特厚今皆食餼庠序二兄成全之力也世傑琇子初嗣兄慰哀慕者夫瑀愛其弟琇則撫其子子復翼其子若孫一門之兄弟子姪若相酬焉孝友之感延及苗裔永世其昌矣

澤州府志

卷之三十七

孝義

二十八

竇榮仁武舉人性至孝家貧無以爲養常典婦衣以供甘旨婦亦潛化於孝無怨言父暴卒幾不欲生母病彌年日夕扶掖不一假人手時仁年已六十矣居喪哀毀竟以此致疾而終

竇世俊性孝父琇患痰疾手足不仁凡飲食起居世俊必親自扶掖歷數年不怠家故貧甘旨之奉必當親意安貧篤學簞瓢屢空晏如也

董理田翼田兄弟二人幼失恃怙各散處四方以餬其口後十餘年歸井閭理田躬耕翼田力學同居友愛以終其身霍名煥當明末縣毀於寇煥佐張道濬脩復城池又獨築北城水隄十餘丈

白文德西曲里人得陳福臻路遺白金數十兩臻正皇遽不知所出德訪而還之

王廷瓚明崇禎十三年進士任行人司行人順治間乃歷官禮部郎中孝友朴誠居鄉與物無競入鄉賢

韓瑁肫仁子國學生仰承父志爲諸從弟建宅舍分給資財與已埒順治庚寅饑出粟三百石周里黨貧乏人多賴之明季見時不靖率脩郭壁北寨寨甫成賊遂至圍困多日而不至析骸易子蓋其力也以此全活數百家至今依爲保障

韓萬戶拔貢生部檄催赴選父適病嘆曰微名雞肋如親病何辭不赴張憲副道湜爲作傳稱其孝於親友於弟睦於鄉黨胸無城府而口無臧否洵不愧長者云

澤州府志

卷之三十七

孝義

二十九

張徵士字旃都歲貢生壯歲父子廷歿以過痛故減飲食至終其身不能復奉母四十年盡孝養初徵士兄弟五人母歿時以亾其四獨辦喪葬百爲俱集其三兄夫婦亾遺二男一女五弟夫婦亾遺二男襟裾襁褓晝夜呱呱而撫育盡瘁以及飲食教誨婚嫁等事凡二十年乃畢旣以食指繁多召諸姪及其子析先世所遺產各給其所應得且分所有益之人以爲難

張廷禧西曲里人奉母孝服賈於外遇時鮮必使人馳送然後入口生平無一言一事少違母意弟延祐婦子數口依禧以養事無大小皆一身爲之竭蹶未嘗令其弟辦一錢遠近稱之

張蘭馨上谷中里人七歲失怙母尙氏苦節蘭馨事寡母色

養兼盡母歿朝夕泣血三年不輟里黨推爲孝子
丁際聰北王西里人兄際辰長於聰二十餘年兄子蕙闌亦
長聰一歲聰與兄析箸後兄子不立兄遂恚恨致疾聰思
寬兄抱恒委曲以濟姪亟不使兄知始而出已貲以助既
而稱貸於人且棄所分田土償之凡百拮据絕無難色或
勸爲自顧計不聽後其姪感悔而聰亦家至小康愈敦睦
愛云

補田

唐雍仙高新唐書孝友傳數世同居天子旌表門閭賜粟

帛州縣存問復賦稅有授以官者內有高平人雍仙高

元趙一德字季潤龍興新建人被俘爲鄭留守家奴歷事三

世號忠幹一日請于主曰一德自去父母三十餘年矣故
鄉萬里未獲歸省今父母已老脫有不幸則永爲天地間

澤州府志

卷之三十七

孝義

三十

罪人矣因伏地涕泣不能起主鄭阿思蘭及其母澤國太
夫人皆感動許之期一歲而返一德至家父兄已歿惟母
在年八十餘一德卜地葬二柩畢如期還阿思蘭母子嘆
曰彼賤隸乃能是吾可不成其孝乎卽縱爲良將辭歸會
阿爾思蘭以冤被誅詔簿錄其家群奴各亾去一德獨奮
曰主家有禍吾忍同路人耶留不去與張錦童詣中書訴
枉狀得昭雪還其所籍太夫人勞之曰當吏籍吾家時親
戚不相顧汝獨冒險以白吾枉疾風勁草於汝見之令吾
家業旣喪而復存者皆汝力也吾何以報汝因分美田廬
遺之一德謝曰一德雖鄙人非有利於是也重哀吾主無
罪而受戮故留以報主今老母八十餘得歸侍養主之賜
已厚矣何以田廬爲遂不受而去皇慶元年旌其門 元

史孝友傳又承旨程鉅夫有趙季潤忠孝詩

明朱成銀隰川王諸孫父仕塏坐罪幽鳳陽病死成銀微服走鳳陽視喪上疏自劾越禁乞負父骨歸葬澤州卽不得願爲庶人止墓側歲時省視詔許之成銀乃奉喪歸弟成鏹亦好學有志槩嘉靖十三年上言雲中叛卒之變幸獲銷弭究其釁端實貪酷官吏激成之臣慮天下之禍隱於民心異日不獨雲中而已指陳切直帝下廷臣飭行時以其兄弟爲二難焉

衛瑄字廷璧陽城人成化中母賈氏歿瑄廬於墓不食滋味疏食飲水而已將大祥邑失官銀搜捕甚急有誣瑄者邑令執至廳加桎梏將下獄天忽陰晦白晝如夜須臾雷電風雨交作人皆謂孝子被誣天震怒也令聞倉皇破械釋

澤州府志

卷之二十七

孝義

三十一

之旣歸廬是夕徹曉星月宣朗如晝廬墓三年後獲眞盜令以前事遂不奏請旌表楊貞肅記其事曰孝足以動天地感鬼神化強暴格鳥獸孕草木詎不信夫作詩以贈之後令劉嵩勒石墓道教諭劉一清跋其後

李道人高平人以母病登天壇山墮崖舍身以祈其愈初墮時但如行清化鎮道上忽有龜蛇左右相逼始知墮崖則已坐深谷中肢體無損凡四晝夜罔知饑渴天壇老道士聞其捨身覓而得之時隆寒俾之附火左右足悉墮其趾自是母病亦愈遂結菴居山中大梁李濂記

事親盡孝或廬墓終身者正統間高平王起孝成化間高平李振民澤州舉人李用及裴春皆以孝行旌其門

吳開先歛人崇禎五年流賊躡山西監司王肇生知開先勇

略便宜署爲將使擊賊戰澤州城西賊敗去從沁水轉掠陽城開先恃勇渡沁戰北留墩下擊斬數百人砲盡無援一軍盡歿贈游擊將軍友人張履旋爲立碑其戰死處

張光璽澤州人光奎之兄守備劉自安千總與光奎竝死流賊之難事聞光奎贈光祿卿光璽等贈有差

路如瀛陵川人貢士山東臨清州同知城破殉難
姚啟崇沁水拔貢崇禎間任陝西渭南縣丞潔已愛民殉難
死節

三十七卷終

澤州府志

卷之三十七

孝義

三十二

